



kat.komp.

59885



Mag. St..Dr.

P

Teol. 4409

Tworowski Eliae: Philanthropism et Theologicum
i.e. Conclusiones academicae Theologicae.

Biblioteka Jagiellońska



stdr0001728

PHILANTROPION,
THEOLOGICVM,
MAGNO HELIADVM
CÆTVI,

PER REGNVN POLONIÆ, & MAGN:
DVCA TVN LITHVANIÆ,
AD COMITIA PROVINCIALIA
CRACOVIAE IN ARENIS Thaumaturgæ VIRGINIS, feliciter
Congregato.

Sub assistentia, & felicissimis auspiciis,
EXIMII & ADMODUM REVERENDI PATRIS,
P. MARTINI CHARZEWICZ,
Sacrae Theologiae in Alma Vniuersitate Cracouiensi Doctoris,
nec non Studij Formalis Conuentus Arenensis,
PRÆFECTI MERITISSIMI.



A
P. F. ELIA TWORKOWSKI,
Dum
Pro Lectoratûs Gradu.

In florentissima Eruditorum Virorum Nobilissimorumq; Hospitum Corona,
responderet.

In vim omnimodæ venerationis,
& submissionis,

D I C A T V M.

Anno Verbi Incarnati M. DC. LXXVII. Mense Iunio,
Die 20. Horis consuetis.

C R A C O V I Æ,
Apud ALBERTUM GORECKI, S. R. M. Typogr.



Flammeus hic Mucro, Divinis ignibus ardet,
 Dextera quem zelans pro pietate vibrat.
 Circumstant Gladium radiantia sidera cœli,
 CARMELIQUE SACRO Montis in axe nitent.
 Mucronem stringit pietas, sapientia, zelus,
 Et feruens priscæ Religionis amor.
 Aurea Vos estis CARMELI sidera Patres
 Candidis in Vestris laudibus Ordo micat.

59885-III

EXIMIIS,

Omniq; Virtutum genere præstantissimis

ADMODUM REVERENDIS

PATRIBUS,

ADMODVM REVERENDO

P. MAGISTRO
PRÆSIDENTI,
PROVINCIALI,
DEFINITORIBVS,
MAGISTRIS, PRIORIBVS,
VICARIIS, PROCVRATORIBVS,
SOCIIS,

Cæterisque totiûs Gremij Prouincialis Reuerendis Patri-
bus Congregatis, Viris Religiosissimis,

PATRIBUS ac PATRONIS OBSERVAN-
DISSIMIS.



*F*lammeum S. Patris HELIÆ Mucronem, Vestris
in pectoribus, EXIMII & ADMODUM RR. PATRES
Prouincia, ad Comitata Prouincialia, festino gradu aduolan-
tem, Festiuo Sacræ Theologia Apparatu, CARMELUS Noster
Arenensis, excipit ac veneratur. Nec mirum, nec nouum. Symbo-
la namq; in mutuum se stinè ruunt amplexum: dicamne etiam ad pretiosa, vel Sacra
Philantropia danda? Sacram verò Doctrinam, cum flammeo Mucrone Vestro,
symbolicè conuenire, quis inficias ibit? Ut enim illa, non alio, quàm cælesti flami-
ne, quia reuelato, illustris agnoscitur; ita hic igne Diuino, quia illius admirabilis Ignis,
qui Consumēs est, zelans honorem, flammeus approbatur. Ut illa Hæreseon Hydriæ
inuitam aciem opponit; ita HELIÆ Vestrumq; armatum Mucrone Brachiū, Idolis
eorumq; impijs cultoribus, minax se se, & formidabile sistit. Excubias agit illa, contra
insultus blasphemantium Nomen Domini; stat iste aduigilans vibratus ad vindictam
Fini-

Iniuriarum Dei. Verbo dicam; Brachium Vestrum, Mucrone HELIÆ stellifero ob-
armatum, ad custodiam vinee Domini Sabbaoth, censetur erectum. Sueticum non,
ita pridem, ARENÆ DIVÆ VIRGINIS MATRIS, exhorruere gladium, quia hostilem;
at Vestrum late suscipiunt, ut potè ipso non amplius dissipanda, ast Paterno zelo cu-
stodienda. Ambiuere quondam Lectulum Salomonis sexaginta ex fortissimis, omnes
tenentes gladios, & ad Bella doctissimi. Lectulus Pacifici, est vetustissima CARME-
LI RELIGIO, & Lectulus Paruula Sororis nostræ, summa Genitricis Dei, Augustis-
sima supernorum & infernorum Domina. Lectulus inquam Salomonis, primordia-
lis vitæ pacificæ nidus, Actiua & Contemplatiua Magistra, iure successionis heredi-
taria, à Prophetis HELIA & ELISEO continuata, mea & Vestra RELIGIO. Le-
ctulum Salomonis impetere velis! sexaginta ex fortissimis ad bella doctissimi, omnes
tenentes gladios, utiq; Helianos, ambiunt illum, vniuscuiusq; ensis super femur suum.
Sed quare? propter timores amulationum nocturnos; nimirum, noctem olim præ-
uidebat, qui in vertice CARMELI stellas posuit Deus. Sed tu illuminaberis magis, à
Montibus æternis, ô Mons Dei! Mons pinguis, MONS CARMELI, dum Incolam tuum,
Sanctissimum Patrem tuum, exultabundus semper intueberis Dei zelantem & Reli-
gionis gloriam. Gloria hæc etiam vestra tota est, VENERABILES & ADMODUM RE-
VERENDI PATRES, si hanc, quàm à Magno Parente Vestro HELIA, continuâ succes-
sione, hereditario iure (testante non vno Ecclesiæ supremo Capite) Religionem acce-
pistis, inter stellas & gladios, seruaueritis illasam. Verùm quis dubitabit non serua-
turos? cùm & ipsa Seruatric CARMELI MARIA, Patriarcha Constantino-
politano, D. PETRO THOMÆ, RELIGIONEM CARMELITARUM, in finem usq; saculi
perseueraturam pronunciauerit. Quis haud dubiè duraturam non assenerauerit? cùm
& ipse Mucro HELIÆ, in pectoribus Vestris, ad instar Cherubini, ante paradysum,
positus, illibata, inniolataq; conseruationi illius, strenuè ac zelosè, etiam in Comi-
tijs presentibus, inuigilet. Gladius Vester, & HELIÆ, nescit rubiginem, siqui-
dem ille igne cœlesti flammans, consumit eandem; nec patitur ullam inter stel-
las suas, Religiosa lucis, maculam. Sicq; (ut faustè ominor) Mucro Vester, ac
S. Patris HELIÆ stellatus, non in vagina absconditus, sed in pectoribus Ve-
stris zelantissimis erectus (à me VESTRIS EXIMIIS & A. RR. PATER-
NITATIBUS oblatus) & ad suum illesum nitorem, & ad Religionis Sacræ,
DIO, & MARIE dilectum, perennabit, Decorem.

Ita exoptat & ominatur,

VV. EXIMIIS & A. RR. PP.

Humillimus in Christo Seruus,

PR. FR. ELIAS TWORKOWSKI.

CONCLVSIONES EX VNIVERSA THEOLOGIA.

I.

THEOLOGIA est rigorosè Scientia, partim Speculatiua, partim practica. Obiectum illius Attributionis est Deus, tum vt existens, tum vt remunerator. Formale *propter quod*, proximum & adæquatum est reuelatio vnus præmissæ reuelatæ à Deo, & euidentiæ alterius naturalis. Formale autem *sub quo*, non deducibilitas ex ipsis, sed conducibilitas ad cognitionem Dei. Omnis Conclusio Theologica est supernaturalis, non tamen Fidei.

II.

DEum existere non potest demonstrari à priori, benè à posteriori, non tamen sistendo in communibus principijs, nè ab impio & subtili Atheo eludantur. Illum quoque esse vnicum ratione naturali est demonstrabile, non tamen ex his præcisè principijs: Deus est ens per essentiam: Plures Dij nec numero, nec specie, possunt esse distincti: Inter plures deberet esse voluntatum pugna; quæ similiter ab impijs eludi possunt.

III.

IN nullo homine, quantumuis rudis & hebetis ingenij, si ratione utatur, potest dari vnus Dei existentis ignorantia positiva inculpabilis; secus negatiua, si sit suis viribus relictus. Summæ Dei simplicitati obest quælibet ante intellectum actualis compositio, non tamen rationis, ac proinde distinctio in Diuinis nec formalis ex natura rei, nec Obiectiua intrinseca, nec realis in tertio, adstrui debet; sufficit enim, sola distinctio rationis formalis.

IV.

DEUS in omni genere entis, & infinitè perfectissimus; ita est Immutabilis, vt immutabilitas, nulli Creaturæ competere possit: Duratione verò Æternus, & loco Immensus, sic est simpliciter, (& consequenter in temporibus & spatijs imaginarijs tanquam in seipso) vt tamen æternitas, non ita sit propria Deo, vt creaturæ communicari non possit.

V.

Visio intuitiua Dei est intrinsecè supernaturalis, ad quam species vel impressa, vel expressa creata, non est necessaria. Hæc formalis Beatifica, consistit in Dei Increata visione, vt tali intellectui creato vnita, quidquid communius in operatione intellectus constituitur; de fide tamen est, Lumen gloriæ ad videndum Deum esse necessarium, quod ab ipsa visione Increata, sub munere eleuantis, non distinguitur.

A

VI.

VI.

Oculus quā corporeus, siue visione simili, quam de facto experi-
mur, etiam de potentia Dei absoluta, videre Deum non potest;
visione nihilominus spiritali; etiam Increatā, sibi supernaturalitē Uni-
tā; oculo à se in virtutem mentis quodammodo obedientialitē conuer-
so non videtur repugnare: sicut neq; creatura possibilis, cui visio Beati-
fica creata, & Lumen gloriæ creatum (si hæc gratis dentur) & Unio ad
Visionem Increatam, sint connaturalia.

VII.

Clarā Visionem Dei ultra Christum Dominum, non solum San-
ctissimæ Virgini Matri, verum etiam alijs Sanctis in hac vita fuisse
communicatā, ad breue tempus, est conformius Sacræ Scripturæ, &
menti Sanctorum Patrum. Beatifica tamen visio Increatā (vel etiam creata,
si detur) inter Attributa & Essentiam, Personalitates & Essentiam, non
est præcisua obiectiue, sed formaliter, Increata videlicet ex parte unio-
nis ad intellectum creatum.

VIII.

Stante quod visio Beatifica, sit increata Dei visio creaturæ communi-
cata, intellectus perfectior cum æquali Lumine gloriæ, Deum non
videbit perfectius, quā intellectus imperfectior: secus verò suppositā
eādem visione creatā. Visionum inæqualitas moraliter oritur, ex me-
ritorum, aut Sacramentorum vſu, pro paruulis inæqualitate: formali-
tē verò ex inæquali unione, ad quam simul cum intellectu Lumen glo-
riæ concurrat, meritis proportionata.

IX.

Beati in patria, tam ex parte actūs, quā obiecti, Diuinam Essentiā,
& tres Personas, omnia Attributa, & perfectiones Deo intrinsecas
de facto clarē & distinctē vident: Omnipotentiam quidem & Omniscien-
tiam non ita contemplantur; vt illam clarē & distinctē in ordine ad o-
mnes terminos suos, in particulari eos penetrando, & inter se distin-
guendo, explicare possint.

X.

Creaturæ formalitē videri possunt tam vt existentes, quā vt pos-
sibiles in Verbo siue Essentia Diuina, vt obiectiue suā visione; licet
hæc transcendentalem relationem quoad se & intrinsecam ad creaturas
non dicat. Valde probabile est, Beatos ea omnia Verbo videre, quæ in
via per fidem infusam crediderunt; vno die vltimi Iudicii excepto.

XI.

De fide est dari in Deo scientiam & suiipsius, & aliorum à Deo di-
stinctorum. Seipsum Deus intuitiue in seipso cognoscit, abstractiue
verò in nostra de seipso cognitione creatā, minimē tamen in dependen-
tia creaturarum ab ipso. Hæc alia dicitur simplicis Intelligentiæ, in qua
Deus vt essentialiter verā & infallibili immediatē, ac etiam in seipsis im-
mediatē cognoscit possibilia: non tamen in sua Omnipotentia & Amore.
Alia Visionis, quæ versatur circa res vt existentes.

XII.

XII.

DEus quoque cognoscit Negationes & Priuationes in sua scientia & seipsis immediatè, minimè tamen in illis, quorum sunt priuationes, non solum per dissensum dicendo v. g. *tenebra non sunt lux*: sed etiam per assensum dicendo v. g. *tenebra sunt priuatio lucis*; semper tamen formis, quarum sunt priuationes concomitanter cognitis. Sola scientia visionis est causa proxima rerum, non quidem præcisè & secundum se, verum secundum quod adiunctam habet voluntatem Diuinam.

XIII.

Futura secundum durationem suam infinitam communem & sibi impropriad sunt præsentia Dei æternitati, (& hoc sensu ab æterno) non solum præsentia intentionali obiectiua, sed etiam reali physica. Hæc libera, siue contingentia absolutè futura, certò & infallibiliter Deum cognoscere, antequàm fiant, (Ly *antequam* sumendo, quatenus non excludit illorum existentia simultatem ab æterno secundum quid, seu sumpto instanti, in quo demùm esse incipiunt, quatenus Dei æternitatem respicit) fide Diuinà certum est. Non datur scientia media strictè sumpta de obiecto futuro contingenti conditionato, sed latè tantum.

XIV.

IN Deo datur voluntas vt potentia, à Volitione Dei ad extra ratione nostrà distincta, per quam seipsum & nos, (si iusti sumus) propriè & strictè amat Deus: Amore simplicis complacentia ita necessariò amat, nedùm possibiles, sed etiam omnes creaturas bonas existentes; & odio simplicis displicentia odit creaturas malas, vt antecedenter maneat liberimus, quo ad exercitium. Hæc voluntas Dei, in actu secundo, eaque contingentè libera est causa rerum.

XV.

Voluntio Dei quâ contingentè libera, vt opponitur necessaria, non est præcisè & adæquatè actus Diuinæ voluntatis necessarius, sed præter illum, imbibit aliquid creatum quod non potest esse quicunq; omnipotentia Diuinæ effectus, sed actus voluntatis contingentè liber esse debet, ad Diuinitatem se habens, prout vnio hypostatica ad Verbi Personalitatem: Huiusmodi volitionis Dei dari potest causa finalis, non tantum ex parte Dei, sed etiam ex parte creaturarum.

XVI.

Licet in Deo sit propriè erga creaturas Misericordia quoad effectum, eaque etiam erga ipsos damnatos, non est tamen ad nos Dei, hoc sensu rigorosa Iustitia, quod ipse ex debito iuris nostri, aduersus ipsum rigurosi, & in solidum, teneatur facere, & semper faciat nobis, quod hîc & nunc nobis retribuit; verum hoc sensu, quod ex debito fidelitatis sibi intrinsecæ, teneatur facere, quod nobis extrinsecæ sua bonitare liberaliter promissit. Datur etiam in Deo omnium rerum Proidentia.

XVII.

Prædestinatio (quæ ex parte intellectus formaliter consistit in præscientia visionis, ex parte voluntatis in volitione Gratia efficacia)

adulorum quâ contingens, est ex præiis meritis gratiæ omnino Gratiæ efficacis voluntatem nostram ad perseverandum successivè determinantis, non verò Gratiæ sufficientis. Reprobatio autem positiua, & positiuè negatiua facta est, post, & ex absolute præiis mortali peccato finali, vel originali solo puerorum in illo morientium, vel actuali solo baptizatorum adulorum, vel actuali & originali simul infidelium in illis decedentium.

XVIII.

Processiones in Diuinis sunt duæ, Filij & Spiritus S. Prima consistit in generatione actiua & passiua identificis indiuisibiliter: Secunda in spiratione actiua & passiua etiam identificis indiuisibiliter. Verbum procedit ex omnium intuitiua Dei Patris cognitione, ac proinde Essentiæ Attributorum Personalitatum & Entium possibiliū. Spiritus S. procedens à Patre & Filio, adhuc realiter distingueretur à Filio, licet realiter non procederet ab illo.

XIX.

Personæ Diuinæ absolute loquendo æque primò & immediate constituntur Relationibus, Originibus & Personalitatibus: ex parte tamen nostri modi concipiendi melius dicuntur constitui Relationibus; quam Originibus; Relationes Diuinæ etiam secundum *esse Ad*, sunt perfectiones Relatiuæ.

XX.

Fide Diuina constat dari Angelos, quod nullâ solidâ & conuincenti ratione suaderi potest; sunt omnino simplices, & naturaliter incorruptibiles, non tamen absolute. Attentâ autoritate possunt naturaliter esse in loco minori suo maximo naturali, & ex hoc etiam in pluribus locis distantibus inadæquatis, simul, intra suam sphaeram contentis, absque eo quod existant in medio; quod idem dicendum de motu illorum. Non egent speciebus impressis ad intelligendum à se & obiecto realiter distinctis; proinde nulla in illis existentibus datur varietas in vniuersalitate specierum de obiectis; quæ naturaliter cognoscunt.

XXI.

Angeli tam contra legem naturæ, quàm positiuam supernaturalem mortaliter & venialiter peccare possunt, vti de facto Malorum, primum peccatum fuit superbia, ex motiui tum affectationis vnionis Hypostaticæ ad Naturam Diuinam, tum desiderij æqualitatis cum Deo. Potuerunt agere poenitentiam de suo peccato, toto tempore, quo post illud in viâ fuerunt, & illa omiſsa torquentur ab igne corporeo, per qualitatem solo numero distinctam ab illa, quâ anima nostra corpori vnitatorquetur & doler, dum illud cruciatur.

XXII.

Beatitude nostra formalis *ut quo* consistit in vnione animæ nostræ ad Dei actus Visionis & Amoris increatos, eam honestissime recreantes: *ut quod* in actibus illis. Beati non sunt physice impeccabiles per formam creatam intrinsecam, sed solum per extrinsecam, specialem scilicet Providentiam Dei. Possunt physice cessare ab amore Dei creato, siue remanente, siue non remanente Dei amore increato sibi coniuncto, secus morali-
iter.

XXIII.

XXIII.

Voluntarium est, quod dependet à principio hîc & nunc agente per modum voluntatis; Indirectè & interpretatiuè sumptum dari potest absque omni actu positiuo voluntatis. Effectus positiuus etiâ per accidens ex omissione secutus; est moraliter voluntarius independenter ab obligatione, & omittentis debito ad oppositum: licet physicè non sit talis. Dantur aliqui actus humani in indiuiduo neque boni, neque mali, sed indifferentes.

XXIV.

Actuum humanorum moralitas respectiua originaliter & vltimæ assumitur à consonantia vel dissonantia obiecti cum lege Dei, aut eiusdem consilijs, Eorundem verò vnâ ab alia ad legem Dei æternam dissonantia (& idem est de consonantia) quo ad nos originaliter & vltimatè morali specie diuersificatur, à communi prudentum sensu & apprehensione. Actus externus nihil addit bonitatis aut malitiæ actui interno.

XXV.

Peccatum benè definitur, Dictum, factum, vel concupitum contra legem æternam. Malitia formalis peccati siue commissionis siue omissionis formaliter consistit in priuatione actus quâ præcepti. Habituale est priuatio actus quâ præcepti ad retractationem obligatoria, perseuerans in se physicè, & moraliter ratione voluntatis in causa. Originale fuit etiâ de facto in paruulis voluntarium in voluntate Adami. Ab illo Beatissima Virgo ita fuit immunis, vt nec vllum debitum etiâ remotum contrahendi illud habuerit, magis quàm Angeli.

XXVI.

Dona Adamo in statu naturæ integræ concessa, siue ad vitam supernaturalem ordinata, siue purè naturalia non fuerunt illi debita ratione intrinsecæ eorum in Adæ natura exigentiæ, ac proinde Adam absque Gratia sanctificante, virtute subiiciente appetitum, sensitiuum Rationi, siue immunitate à morte corporea, & à cæteris malis corporeis, quibus post peccatum affligimur, innocens creati potuit.

XXVII.

Gratia Christi rectè diuiditur (omissis alijs diuisionibus in Operantem & Cooperantem, Præuenientem & Concomitantem) in SuffICIENTEM & EFFICACEM. Ad quancunque cognitionem cuiuslibet veritatis prout oportet ad Iustificacionem, requiritur Gratia supernaturalis ordinis: Possunt sine illa actus aliqui saltè faciles & paræ durationis virtutum moralium naturalium elici; nec non omnes tentationes graues distributiue vel collectiue physicè; moraliter verò nè vel vnâ grauius superari.

XXVIII.

Gratia habitualis seu forma Iustificans est homini intrinsecè Inhærens. Contritio perfecta (& idem est de Amore Dei super omnia) est vltima dispositio ad formam sanctificantem, non verò forma sanctificans.

ficans. Remissio peccati mortalis personalis, quâ parte est priuatio omissionis vel actûs, quâ præcipiuntur, moraliter existens vel perseuerans, sine actu poenitentis, & quâ parte est priuatio Gratiæ, tanquam termini exigentiæ istiusmodi priuationis omissionis vel actûs, sine infusione gratiæ & donorum, etiam de potentia Dei absoluta fieri non potest.

XXIX.

Meritum aliud est de Condigno, aliud de Congruo. Non datur Meritum in spe. Ad meritum requiritur actus honestus supernaturalis, non tamen ut procedat à Charitate, siue ex motiui charitatis sic, ut alioqui sit propriè peccatum. In merente de Condigno requiritur status sanctitatis & charitatis habitualis. Maior gratia dignificans auget meritum ad maiorem condignitatem, non verò ad maiores partes præmij aut gradûs.

XXX.

Gratia efficacia non consistit in prædeterminatione physica aut præmotione rigorosa. Neque in Liberi arbitrij cõoperatione ad victricem delectationem, eo sensu determinantem, quo voluntatem prædeterminat physica prædeterminatio. Neque præcisè in Liberi arbitrij cõoperatione ad eam. Neque in scientia strictè media, quâ Deus præiudic conditionaliter consensum vel dissensum.

XXXI.

Gratia Efficax, tot sunt gratiæ sufficientes, & toties multiplicatæ, donec Deo sic decernente sequatur effectus: Aut tot & tales gratiæ, quibus Deus præuenit voluntatem pro aliquo priori temporis, ut si in illo priori non respondeat, in posteriori constituta, in primo puncto suæ flexibilitatis, per resistentias præteritas acquisitæ infallibiliter eis respondeat.

XXXII.

Efficacia gratiæ etiam consistit in qualitate vnica, ita flexibilitati voluntatis humanæ accommodata, ut vno indeterminato plurium, vel saltem duorum instantium, ita antecedenter determinet voluntatem, ut hæc è contra pro sua vi electiua, & cum illa qualitate, innatâ sibi proportionem, se ad ei cõoperandum determinet pro vtrius instanti.

XXXIII.

Fidei Diuinæ Materiale obiectum est omne reuelatum; Formale auctoritas Dei exterius reuelantis, fundata in infinita eius scientia & veritate. Reuelatio Dei immediata & expressa est iudiciû Dei increatum illis, quibus sit, supernaturaliter vnitû. Impossibile est Deum mentiri, tam materialiter, quam formaliter, siue per se, siue per alium; & infundere habitû ad errorem inclinantem per se vitiosum, per modum Causæ particularis.

XXXIV.

Actus Fidei Diuinæ supernaturalis non potest esse falsus, probabile est, illum connaturaliter posse consistere cum cognitione cuiusdam reuelationis, aut obiecti reuelati, sub diuersis medijs, imò & cum visio.

visione Beatifica, abstrahendo à ratione statûs & scholasticorum auctoritate. Romanus Pontifex iure Diuino Petri successor, non potest errare in decretis Fidei & morum. Neque in Canonizatione, Beatificatione Sanctorum, aut Religionis approbatione.

XXXV.

Spei Theologicæ Obiectum formale immediatum, strictè & intrinsicè rei speratæ, est Deus ipse, quâ nobis conueniens & bonus; siue bonitas intrinseca Beatitudinis obiectiuæ & formalis, vt conuenientis & bonæ homini, cui speratur. In Beatis non manet spes actualis, quoad obiectum suum principale, siue beatitudinem, habitus tamen manet in illis, in quibus fuit in via, non solum ante resurrectionem corporum, vt diem & horam gloriæ corporum sperent (dato quod illam ignorent;) sed etiam post illam, vt sperent augmentum suæ gloriæ accidentalis, & proximorum beatitudinem.

XXXVI.

Charitas habitualis viz est aliquid creatum animæ inhærens, Beatifica verò Patriæ increatum. intensiorem elicere erga Deum, quàm creaturam est consilij non præcepti. Suam quisque salutem præ aliorum amare debet. Nec licet quoque homini naufragio, aut fame aliqui perituro, quantumuis amico, vel parenti, porrigere panem, aut tabulam seu nauigium, sine quo aliqui periturus esset: nisi ratio communis boni aliud postulet.

XXXVII.

Ius est *iustum alteri debitum per aequalitatem seruandum*. Iustitia verò, *constans ac perpetua voluntas, ius suum cuiq; tribuendi*. Alia est Distributina, alia Commutativa. Legalis dicitur, si erit voluntas illa, seruandi bonum commune, quâ tale. Vindicatiua reducitur ad vtramlibet. Dominium est *ius disponendi de re aliqua corporali tanquam sibi subiecta*, & diuiditur in Dominium Iurisdictionis & Dominium Proprietatis.

XXXVIII.

Religiosi solemnia vota professi (exceptis Minoribus de obseruantia & Capucinis) habent in communi & immobilium quibus vtuntur dominium; non in particulari. Secus Clerici non Religiosi, qui sunt Domini suorum *Patrimonialium*, & *quasi patrimonialium*. Utura ita est prohibita, vt hæresim incurrat, qui illam negat esse peccatum mortale. Montes pietatis sunt liciti de fide.

XXXIX.

Lex Ecclesiastica vt legum naturalium, & Diuinarum positiuarum, interpretatrix & determinatrix, ad actus internos obligare potest, non vt reatrix politiæ Ecclesiasticæ. Similiter & lex Ciuilis etsi non obligat ad ponendos vel omittendos actus internos, vt reatrix politiæ Ciuilis, obligat tamen vt mera interpretatrix & determinatrix obligationis legum naturalium.

XL.

Rationabilis consuetudo potest habere vim legis, ita scilicet ut omnia membra Communitatis, non minus per illam, quam per legem scriptam obligentur. Priuilegium est lex priuata constantem fauorem Contra vel præter ius concedens, omni homini ab omni legitimam potestatem habente concedi potest. Cessat per se transacto tempore, conditione, statu, vel fine adæquato, pro quo limitatè conceditur.

XLI.

Supposito Fidei lumine tam viâ inuentionis quam Confirmationis iam cognitæ Incarnationis existentis, naturaliter probabiliter indirectè & abstractiue à creatura existente, potest non solum negatiue, sed etiam positiue cognosci & probari Incarnationem Verbi esse possibilem. Nec erat physice, nec moraliter, etiam post hominis lapsum & à Deo decretam eius reparationem absolute necessaria. Purus homo, sub præsentis Dei prouidentia non potuit condignè satisfacere pro peccato mortali, considerato ut sub cognitione vltimi finis, & deformitate eius ad rectam rationem, & legem Dei æternam: potuit tamen sub alia, & decretis alijs, eâ ratione, quâ in Adamo peccauit, in Deo præcisè absque carnis vel animæ assumptione, satisfacere pro mortali peccato condignè, condignitate, quæ operibus Christi conuenit.

XLII.

Cristus pro hominum peccatis, non solum satisfecit condignè latè, sed etiam superabundanter, non tamen condignè, strictè, siue sub prærequisitis conditionibus ad satisfactionem condignam strictam, nec ex rigore iustitiæ. Ex Decreti præsentis Incarnationis Verbi moriuus vnum fuit, ut genus humanum, quod Deus simplicis intelligentiæ scientiâ præuidebat peccabile, & per se ex concupiscentia innata ad peccatum propensum, haberet Redemptorem pro casu creationis & peccati: non verò ut genus humanum, quod Deus scientiâ visionis præuidebat absolute peccaturum, talem redemptorem haberet. Unde etiam si homo non peccasset, adhuc Verbum Incarnatum fuisset vi præsentis Decreti. Plures Personæ simul possunt vnâ numero naturam creatam assumere, vna quôque & eadem Persona plures naturas humanas.

XLIII.

Quælibet natura substantialis creata fuit à Deo assumptibilis in vnitatem suppositi: imò & quælibet pars eius essentialis, tam separata quam in toto alteri coniuncta. **CHRISTUS** secundum animam fuit Sanctus ut quo per vñionem hypostaticam, & ut quod per sanctitatem increatam, præcisâ gratiâ Habituali. In Christo tamen fuit Gratia habitualis, eaque entitatiue actu in intensiōe infinita. Omnes Christi cognitiones & volitiones liberæ, imò & quæuis condistinctæ à visione & amore Dei beatificis eiusdem, fuerunt creatæ: Beatificæ verò Increatæ. Anima Christi in Deo vidit clarè & intuitiue omnia possibilia; non tamen prout ipse Deus: & hoc sensu non comprehendit Diuinam Essentiam. Christus etiam secundum Humanitatem nequit dici filius adoptiuus, neque seruus.

XLIV.

XLIV.

Sacramentum in genere, est rei sacre & occulta homines formaliter sacramentis in ipso usu, vel sui susceptione, signum sensibile, sacrum, practicum, & à Deo institutum, pro tota, & toto tempore quo durat Ecclesia. In statu innocentiae nulla fuerunt iustificantiæ Sacramenta in lege naturali valde probabile est fuisse aliqua: In Veteri autem, inter Doctores receptum est, Circumcisionem fuisse iustificans Sacramentum: In Noua, denique lege septem sunt Sacramenta, ex se gratiæ sanctificantis efficacia. Omnia quidem perficiuntur rebus, verbis, & intentione Ministri, sic, vt si vnum eorum desit, non perficiatur Sacramentum, non tamen omnibus istis intrinsecè constant.

XLV.

Nouæ Legis Sacramenta, ratione sui præcisè & immediate, ac proinde ex opere operato, vbi non est obex, gratiam sanctificantem conferunt instrumentaliter, Deus principaliter; probabilius est quod causent gratiam, non solum moraliter, sed & physice, in subiecto ritè disposito, dum physice existunt. Idem specie Sacramentum æqualem semper habet ex opere operato effectum, siue æqualem semper gratiam, confert ijs, in quibus est dispositionis æqualitas; in alijs autem inæqualem. Ad valorem Sacramenti non requiritur Ministri sanctitas. Intentio verò, *velle facere quod facit Ecclesia*, non solum quoad externa materialia sacramenti, sed quoad esse sacramenti, quod absolute intendit Ecclesia requiritur.

XLVI.

Baptismus fuit ante Christi passionem institutus, non tamen quando Christus à Ioanne baptizatus est, licet tunc aquas Iordanis, & in eis cæteras, in ordine ad baptizandum, & spiritualiter regenerandum, sanctificaret. Est necessarius tam necessitate medijs, (extra Martyrij casum, infantibus, extra perfectæ contritionis aut martyrij casum adultis, vbi lex Christi sufficienter promulgata fuit:) quam præcepti: Diuinum baptismi præceptum adultos obligat ad baptismum recipiendum, quamprimum commodè possunt, sub mortalis peccati obligatione. Nullum est præceptum Confirmationis Sacramentum suscipiendi, ac proinde non peccat mortaliter, imò nec venialiter, qui hoc Sacramentum, secluso contemptu, & Ordinis sacramento omittit.

XLVII.

Eucharistiæ Sacramentum consistit in re permanente; siue antecederet ad illius sumptionem & usum, est verè Sacramentum. Panis & Vinum quoad substantiam non sunt huic Sacramento intrinseca, nec species Sacramentales intrinsecæ, sed solum Corpus & Sanguis Christi; sic vt Eucharistia in recto sit *Corpus & Sanguis Christi sub speciebus consecratis*. Panis & Vini in Corpus & Sanguinem Christi conuersio, siue transsubstantiatio, est corporis & sanguinis Christi substantialis reproductio, quæ simul est vnio physica effectiua illorum cum speciebus per modum contenti substantialis subillis. Motis speciebus in Eucharistia, Christus ad specierum motum mouetur, à mouente species, non verò à

solo Deo, idque physicè: licet ad specierum localem motum non semper mouetur.

XLVIII.

Pœnitentia accipitur dupliciter: Pœnitentia virtus, & Pœnitentia Sacramentum. Pœnitentia virtus est *habitus inclinans ad odium, & dolorem seu pœnam tenendam de proprio peccato*: Si est actualis, vel est Contritio perfecta, & est dolor & detestatio peccati propter Deum, summe dilectum: vel Imperfecta, & est dolor & detestatio peccati ex motu supernaturali infra motum amoris. Contritio perfecta semper, & infallibiliter extra sacramentum iustificat contritum peccatorem: hoc ipsum facit & amor Dei super omnia etiam sine expresso dolore peccati commissi; Attritio verò, etiam in casu defectus Confessarij, non est ad iustificandum sufficiens. Amor Dei, qui per se aut cum dolore expresso, impium extra Sacramentum iustificat, debet esse super omnia appetitiue, siue talis, quo affectiue præfertur Dei bonitas omni creature bonitati, ita ut vi amoris illius homo sit paratus, quoduis aliud bonum deferere, potius quam per mortale peccatum Deum amittere, non requiritur intensiue summus. Duratio eius minima sufficit.

XLIX.

Præceptum Pœnitentiæ non obligat, quamprimum peccator conteri potest, sed quamprimum datam Pœnitentiæ Sacramenti commodam occasionem negligit. Etiam de Potentia Dei absoluta est simpliciter necessaria, ad talis peccati, scilicet mortalis, secundum essentiam, spectati remissionem, secus secundum exigentiæ suæ terminum, siue secundum gratiæ priuationem. Nullum est peccatum præter finale, quod per pœnitentiam perfectam tolli non possit. Probabilius etiam est, (præscindendo à Doctorum autoritate, qui ferè omnes oppositum vnanimiter docent) Venialia post hanc vitam nunquam remitti, id est, à mortali in hac vita nunquam separari, sic nempe, ut quis decedat cum solo veniali; & non hoc ipso in mortali moriatur, quod neglexerit actum Contritionis sub motu cum omni peccato veniali pugnante.

L.

Pœnitentiæ Sacramentum est re ipsa & formaliter à Baptismi Sacramento distinctum. Quodlibet peccatum mortale post Baptismum commissum, censetur esse Materia remota necessaria Sacramenti huius; Venialia autem sufficiens tantum; non ita Originale: proxima verò actus pœnitentis, Contritio scilicet & Confessio. Suppositâ confessione pœnitentis debitâ, sola hæc verba Confessarij, *te absoluo* sunt de Essentiâ formæ huius Sacramenti, quorum sensus est hic *tollo siue remitto peccata tua*, prout sunt tollenda; primum quidem si primum Ecclesiæ clauibus subiciantur, & ante remissa non sint per Contritionem perfectam: Secundo verò, & iterum, prout iterum detestata & confessa absolutio ni obijciuntur. Nullo casu potest dari Sacramentum Pœnitentiæ informe, sed validum defectu doloris ad effectum, siue Gratiæ Sacramentalem sufficientis. Ad M. D. G. I. V. H.

(S) (S) (S)



XX. 1. 29



